

Na osnovu člana 36. i 70. Statuta Općine Stari Grad – Prečišćeni tekst („ Službene novine Kantona Sarajevo„ broj 31/08) Odluke o izvršavanju Budžeta Općine Stari Grad Sarajevo, za 2011. godinu („Službene novine Kantona Sarajevo“, broj 1/10) i člana 6. Pravilnika o utvrđivanju kriterija za formiranje liste korisnika sredstava za rješavanje stambenih potreba određenih kategorija stanovništva, donesenog na sjednici Općinskog vijeća Stari Grad dana 29. novembra 2010. godine, Načelnik Općine Stari Grad Sarajevo, raspisuje

JAVNI POZIV

Za dodjelu sredstava za rješavanje stambenih potreba određenih kategorija stanovništva

I

Raspisuje se Javni poziv za dodjelu sredstava za rješavanje stambenih potreba određenih kategorija stanovništva.

II

Dodjela sredstava iz člana I. može se realizovati:

- dodjelom građevinskog materijala
- izvođenjem građevinskih radova i pružanjem građevinskih usluga

III

Na Javni poziv mogu se prijaviti sljedeće kategorije korisnika:

- šehidske porodice-porodice poginulih boraca
- ratni vojni invalidi
- demobilisani borci
- civilne žrtve rata
- osobe sa urođenim invaliditetom
- ostale socijalno ugrožene kategorije stanovništva

IV

Prijava na Javni poziv sadrži :

- obrazac prijave sa priložima koji se traže u obrascu.
(priložiti odgovarajuću dokumentaciju za kategoriju za koju korisnik aplicira)
- potpisanu i ovjerenu izjavu koja je sastavni dio obrasca prijave

V

Kriterij za dodjelu sredstava:

Prilikom formiranja liste korisnika, Komisija formirana od strane Načelnika Općine Stari Grad će koristiti kriterije koji su definisani „ Pravilnikom o utvrđivanju kriterija za formiranje liste korisnika

sredstava za rješavanje stambenih potreba određenih kategorija“, koji je usvojen na sjednici Općinskog vijeća održanoj dana 29. novembra 2010 godine.

VI

Proceduru izbora budućih korisnika provodi Komisija za bodovanje i odabir korisnika za dodjelu sredstava. Komisiju imenuje Općinski načelnik posebnom Odlukom.

VII

Svaki prijavljeni eventualni korisnik po Javnom pozivu bit će pismeno obaviješten o rezultatima Javnog poziva u roku od 30 dana od dana donošenja Odluke o dodjeli sredstava. Svaki učesnik na Javnom pozivu može u roku od 8 dana od prijema obavještenja o rezultatima Javnog poziva podnijeti prigovor Načelniku Općine.

VIII

Sredstva se neće dodjeljivati kandidatima koji su ranije bili korisnici ovog prava u Općini Stari Grad Sarajevo.

IX

Podnošenje prijave:

Svi zainteresovani kandidati za učešće na Javnom pozivu obavezni su dostaviti traženu dokumentaciju zajedno sa Obrascem zahtjeva za aplikaciju. Obrazac zahtjeva se može preuzeti u šalter sali Općine Stari Grad i u Službi za komunalne poslove i investicije (objekat „B“), soba broj 208/II. Prijave se predaju u zatvorenoj koverti putem protokola Općine Stari Grad Sarajevo, lično, ili putem pošte na adresu: Općina Stari Grad Sarajevo, Služba za komunalne poslove i investicije, ul. Zelenih beretki br. 4 Sarajevo, sa naznakom **Prijava na Javni poziv za dodjelu sredstava za rješavanje stambenih potreba (NE OTVARAJ)**.

X

Rokovi:

Rok za podnošenje prijave po ovom Javnom pozivu je 30 dana od objavljivanja u sredstvima informisanja (dnevne novine i oglasna ploča Općine Stari Grad Sarajevo). Nepotpune i neblagovremene prijave neće se uzimati u razmatranje.

Dodatne napomene:

Sve informacije u vezi sa učešćem na Javnom pozivu mogu se dobiti putem telefona br: 033 28 24 17 ili 033 28 24 16. Tekst Pravilnika o utvrđivanju kriterija za formiranje liste korisnika će biti objavljen na web stranici (www.starigrad.ba) i oglasnoj ploči Općine Stari Grad u vremenu trajanja Javnog poziva.